



Broj: 05/01-04-32093-240/24
Sarajevo, 09.12.2024. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Faruk Selmanović (68) - dopuna dostavlja se
Veza: akt Skupštine Kantona Sarajevo broj: 01-04-32093-68/24 od 11.11.2024. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-32093-68/24 od 11.11.2024. godine sa zastupničkom inicijativom zastupnika u Skupštini Kantona Sarajevo Faruka Selmanovića na nadležno postupanje.

Zastupnik u Skupštini Kantona Sarajevo, Faruk Selmanović, je u skladu sa članom 213. stav (1) i 120. stav (2) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka) u okviru 16. radne sjednice Skupštine Kantona Sarajevo uputio zastupničku inicijativu "da se hitno riješi pitanje grijanja stanovnika Vogošće na način da Skupština Kantona Sarajevo donese sljedeći Zaključak: Obavezuje se Vlada Kantona Sarajevo da odmah bez odlaganja putem resornog ministarstva i Direkcije za robne rezerve Kantona Sarajevo aktivira robne rezerve i izvrši isporuku neophodnih količina mazuta, kao osnovnog energenta za proizvodnju i isporuku toplotne energije, korisnicima na području Općine Vogošća."

Odgovor zastupniku

U prilogu se dostavlja akt Direkcije za robne rezerve Kantona Sarajevo broj: 02-02-422-1/24 od 29.11.2024. godine u svrhu dopune odgovora ovog Ministarstva na vašu zastupničku inicijativu upućenu aktom broj: 01-04-32093-68/24 od 11.11.2024. godine

S poštovanjem



PO OVLAŠTENJU MINISTRA

Sekretar Ministarstva
Vildana Smajović



Prilozi: navedeni.

Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.






Broj: 02-02-422-1/24
Sarajevo, 29.11.2024. godine

**MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA KANTONA SARAJEVO**

Reisa Džemaludina Čauševića br. 1
71000 Sarajevo

VLADA KANTONA SARAJEVO
Stručna služba Vlade
Reisa Džemaludina Čauševića br. 1
71000 Sarajevo



Predmet: Obavijest na zastupničku inicijativu, dostavlja se

Zastupnička inicijativa zastupnika Faruka Selmanovića pokrenuta na 16. Radnoj sjednici Skupštine Kantona Sarajevo, od 10.06.2024. godine, Direkciji za robne rezerve Kantona Sarajevo (u daljem tekstu: Direkcija) dostavljeno aktom Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo broj: 05/01-04-32093-230/24 od 20.11.2024. godine glasi:

“Pokrećem inicijativu da Skupština Kantona Sarajevo donese ZAKLJUČAK kojim se obavezuje Vlada Kantona Sarajevo da odmah bez odlaganja putem resornog ministarstva i Direkcije za robne rezerve Kantona Sarajevo aktivira robne rezerve i izvrši isporuku neophodnih količina mazuta, kao osnovnog energenta za proizvodnju i isporuku toplotne energije, korisnicima na području Općine Vogošća.

Zakonom o robnim rezervama Kantona Sarajevo je jasno definisan način i postupak aktiviranja robnih rezervi, u konkretnom slučaju zbog vanrednih prilika i poremećaja tržišta. U gore pomenutom zakonu, terminološki je naveden pojam „vanredne prilike i poremećaj cijena na tržištu“.

Zbog konstantnog pada dnevnih temperatura, na dnevnom i noćnom nivou, podsjećam Vladu Kantona Sarajevo, da je povećan broj pacijenata svih životnih dobi u Domu Zdravlja Vogošća i drugim zdravstvenim ustanovama zbog neisporuke toplotne energije.

Ovakvo postupanje može i kreće se ka tome da se direktno ugrožava zdravlje stanovništva što direktno prevazilazi ne samo vanredne prilike već i domen krivično pravne odgovornosti vlasnika, proizvođača i isporučioaca toplotne energije.

Poremećaj na tržištu je više nego prisutan, što je lako provjerljivo i putem nadležnog federalnog ministarstva trgovine, gdje se na bazi svakog mjeseca povećavaju ne samo cijene već i raste index inflacije, koji indirektno utiče na cijene.

Također bi Vlada trebala znati da je zbog nesreće na području Konjica i Jablanice, došlo do prekida željezničke infrastrukture, kao glavnog i najjeftinijeg načina dopreme naftnih derivata iz Luke Ploče. Podatak je lako provjerljiv, da je prekid komunikacije uticao na povećanje troškova transporta iz Luke Ploče naftnih derivata, a što je uticalo i na cijene istih.

Na kraju, podsjećam Vladu Kantona Sarajevo, da pažljivo izvrši pregled u kojim sve situacijama je ista aktivirala robne rezerve, u daleko lakšim i blažim situacijama, a što je lako provjerljivo.“

Na navedenu inijativu, iz djelokruga poslova Direkcije dajemo sljedeći odgovor:

Zakonom o robnim rezervama Kantona Sarajevo („Službene novine Kantona Sarajevo“, broj: 13/99) propisano je da se robne rezerve mogu koristiti za:

- obezbjeđenje minimalnih potreba stanovništva u uslovima rata i neposredne ratne opasnosti,
- otklanjanje poremećaja u snabdijevanju prouzrokovanih prirodnim nepogodama i drugim vanrednim prilikama,
- intervencije na tržištu u uslovima poremećaja cijena i snabdjevenosti stanovništva i privrede.

Poremećaj na tržištu pretpostavlja nemogućnost nabavke određenih roba i proizvoda. Obzirom da je mazut berzanska roba, te je samim tim podložna svakodnevnoj promjeni cijene, koja varira u toku godine, te posljedično, njegova cijena raste u zimskom periodu kada isti ima veću vrijednost budući da se između ostalog koristi i kao gorivo za zagrijavanje toplovodnih sistema. Stoga se može konstatovati da je rast cijene mazuta očekivan u zimskom periodu.

Također, ovom prilikom Vas informišemo da trenutno nema pretjeranog odstupanja u cijenama mazuta u odnosu na prošlu godinu, te se ni u kom slučaju ne može govoriti o poremećaju na tržištu, odnosno proplemima u transportu i dobavljanju istog, budući da dobavljači Direkcije uredno dostavljaju odgovore na informativne upite o cijenama mazuta.

Direkcija je zaista u prethodnom periodu dala u zajam određene količine mazuta preduzeću BAGS Energotehnika d.d., a na osnovu Zaključka Vlade Kantona Sarajevo. Napominjemo da se radilo o okolnostima u kojima nakon postupaka nabavki koje je provodilo preduzeće BAGS Energotehnika d.d. u jednom slučaju nije bilo dovoljno energenta do kraja grijne sezone, a u drugom slučaju je nakon provedenog postupka nabavke došlo do odustajanja svih ponuđača.

U oba slučaja, Direkcija je slijedeći Zaključak Vlade Kantona Sarajevo ustupila određene količine mazuta, a imajući u vidu da je preduzeće BAGS Energotehnika d.d. poduzelo određene napore u procesu nabavke istog.

Međutim, u trenutnom slučaju, javna nabavka za kupovinu mazuta za ovu grijnu sezonu još uvijek nije pokrenuta iz nama nepoznatih razloga, a s obzirom na navedeno, ista je trebala biti pokrenuta još u ljeto ove godine.

Ukoliko bi Direkcija u ovom slučaju ustupila mazut preduzeću BAGS Energotehnika d.d., mogli bismo reći da se radi o zaobilazanju sistema javnih nabavki jer do ovih prilika nije došlo zbog nekih vanrednih okolnosti, već zbog nečinjenja rukovodstva preduzeća BAGS Energotehnika d.d..

Shodno navedenom, a uzevši u obzir nečinjenje u postupku nabavke mazuta pri čemu se nazire određeni obrazac postupanja, Direkcija se ne želi upuštati pokušaje zaobilaznje zakona, pri čemu posljedice trpe građani Vogošće koji uredno plaćaju svoje račune.

Posebno ističemo da Direkcija ne može postupati neodgovorno, posebno imajući u vidu skoro redovnu neizvjesnost u snabdijevanju plinom građana Kantona Sarajevo koja se ogleda u okolnostima na koje nije moguće uticati (ograničen broj dobavljača, ruska agresija na Ukrajinu), Direkcija iz tih razloga ne može isprazniti zalihe mazuta, koji je zamjena za plin u određenim dijelovima toplovodnog sistema KJKP Toplane d.d..

Zakon o javnim nabavkama također je propisao i ubrzan postupak nabavke kojim se u vrlo kratkom vremenu može obezbjediti potrebna roba. Riječ je o pregovaračkom postupku bez objave obavještenja i član 21. tačka d) glasi:

„kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak sa objavljivanjem obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu sa ugovornim organom.“

Stoga, ukoliko zaista postoje vanredne okolnosti, koje se ne mogu dovesti u vezu sa ugovornim organom, predlažemo primjenu Zakona o javnim nabavkama, kako bi se riješio navedeni problem sa grijanjem.

S poštovanjem,

Pripremio: ~~Eldin~~ Šarić, pomoćnik direktorice



DIREKTORICA

Kanita Imamović – Gušić dipl. ecc.

Dostaviti:

1. Naslovu,
2. A/a.